



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Autisiodorensi Episcopo.

urn:nbn:de:hbz:466:1-20006

stra fiat omnibus manifesta, scituri quod honorem eidem Marescalco impensum reputabimus nobismetipſis exhibitum, & pro eo vobis & vestris curabimus, dante Domino, magnifice respondere. Si quis autem, quod non credimus, eum in honore prælumeret, præsumptionem ejus tanquam in nostram & regiam injuriam redundantem curaremus graviter vindicare. Datum Laterani.

B. Episcopo in Archiepiscopum Panormitanum electo, regio familiari &c.

Epi. 38.
V. Walterum
Brenensem ad-
jacet.

Non potest facere filius nisi quod patrem viderit facientem, nec arbor bona faciet fructus malos. Sanè bona memoria Walterus Panormitanus Archiepiscopus, qui te sibi adoptavit in filium, qui & parvulo priùs lac potum tribuit & non efcam, & crescenti scientiae panem fregit, & majori tandem cibum solidum ministravit, ut in te mortuus quoque viveat, & suam imaginem expressius figuraret, in corde docili mores proprios digito suo scripsit, & sic sigillo suo ceram adhuc rudem impressit ut adhuc etiam cum recte intuentibus repræsentet. Noverat etenim, tanquam doctus, quod vas quis infundet non sincero, vas tui pectoris adhuc crescens non permisit nisi redolenti incendiari liquore, nec massam terrenam passus est malitia aut nequitiae corrumpi fermento, sed immunem eam ab omni contagio conservavit. In bonum quoque olivam plantam inseruit, quam plantavit, ut fierent tandem filii tui sicut novellæ olivarum in circuitu mensæ tuæ, ac tu Romanam Ecclesiam, sine cuius rore non poteras roborari, non impinguares oleo peccatoris, sed exultationis oleo irrigares, & ei tam multitudinem quam plenitudinem tuorum fructuum devoveres. Nunc ergo, sicut in moribus, sic etiam in cathedra succedens eidem, in devotione sedis apostolicæ ipsius te demonstrans heredem, eligens non solum persecutionem pati propter justitiam, sed malens etiam pro Ecclesia Romana reverentia exulare quam habitare in tabernaculis peccatorum, verum quoniam diligentibus Deum omnia cooperantur in bonum, in tribulatione amplius dilataris, & sicut aromata melius flagrant, sic plures currunt in odorem unguentorum tuorum, dum aestus persecutionis ea in te cogit amplius astuare. Oleum enim effusum nomen tuum. Ecce si quidem usque adeo fecit tecum Dominus

in tentatione proventum ut non solum familiares & domestici te sequantur, sed illi etiam qui sunt foris, eloquentia tua dulcedine, ab eo qui ad illos foras exierat recedentes, ad commonitionem tuam ad mandatum nostrum humiliter redierint, & devotè à nobis consolationis remedium & salutis angelum expectantes. Factum est autem Domino concedente ut in literarum tuarum susceptione dilectus filius nobilis vir Walterus Comes Brenensis apud nos præsens existeret, & tam literarum ipsarum tenorem quam nostram intelligeret pleniū voluntatem. Ei ergo sub quanta potuimus districione mandavimus ut postpositis sollicitudinibus aliis ad iter protinus se accingat, & in Siciliam in Regis & regni subsidium transfretare. Ipse autem mandatum apostolicum, licet videretur initio nimis grave, ut dimissis propriis, aliena negotia procuraret, humiliiter ramen & devotè recepit, & se promisit illud celeriter & hilariter impleturum. Monemus igitur fraternalitatem tuam & exhortamur in Domino, & per apostolica tibi scripta mandamus quatenus de auxilio Dei & ejusdem Comitis adventu securus, in incepta devotionis fidelitate perfistas, quoniam in proximo desideratum diutius Regis & regni salutare videbis quod Dominus pro illorum salute qui de ipsis miseratione confidunt misericorditer & mirabiliter præparavit. Tu autem de plenitudine gratiæ securus, nec movearis in aliquo, nec turberis, nec qualibet occasione præsumas ut quod per nos laudabiliter est incepsum, velimus relinquere inextupit. Scribimus autem Sarracenis, pro ut eis scribi per tuas literas postulasti. Datum &c.

Autifodorense Episcopo.

Cum tibi de benignitate sedis apostolicæ sit indultum quod ordinatio rerum Clericorum ab intestato decedentium liberè in tua potestate ac dispositione permaneat, volens omnem materiam scandali removere, quod aliquando inter te & tuos Canonicos est subortum, super duobus nos consulere studiisti. Primò, an appellatio vocabuli Clericorum tam ad Canonicos quam ad non Canonicos extendatur. Secundò, an illi qui in dispositiōne & voluntate alterius suam committunt ultimam voluntatem, nil per se penitus ordinantes, nec determinantes quid, cui loco, vel personæ conferri debeat, dicantur.

Epi. 39.
Quid Clerico-
rum nomine
intelligatur, &
qui cœfanctus
decendere inte-
stari.
Cap. Cùm tibi.
De testamento.
Cap. Cùm tibi.
De vero, si-
gnificat.

tur decidere intestati. Primæ igitur consultationi tuæ duximus respondendum quod appellatio Clericorum non solum alios, sed etiam Canonicos comprehendit. In secunda vero dicimus quod qui extremam voluntatem in alterius dispositione commitit, non videtur decidere intestatus. Datum Laterani.

Episcopo Noviomensi.

Epi. 40.
Quomodo pro-
cedi oporteat
cum agitur de
proprietate.
Cap. Pastora-
lis. De causa
posseſſ. & pro-
prietat.

P Astoralis officij debitum sollicitamente prosequeris, cum justitia zelo succensus, super dubiis juris articulis per apostolicæ sedis oraculum, a qua tua pendet jurisdictionis auctoritas, responsum humiliter expetis, & devotus expectas; ne forte nova opinionum varietas, aut juris expositio varia novitate distingua, non juris effectum pariat, sed justitia potius defectum inducat. Sanè, sicut nobis per tuas literas intimasti, contingit aliquando cum is qui se affterit spoliatum, suum trahit spoliatorem in causam, inter ipsa juris auspicia requisitus quo malit experiri judicio, item proprietatis ingreditur, de illata sibi violentia nullam faciens mentionem. Cum autem adeo fuerit in causa processum ut testes sint hinc inde produci, novum judicium super possessorio nititur inchoare, dicens quia non videtur possessorio renuntiare judicio qui rem cœperit vendicare; cui ex adverso resistitur, quia dum querelam proprietatis sponte proposuit, præjudicium sibi fecit in questione possessionis, quam secundum juris ordinem prius proponi licuit, & debuit terminari. Quid igitur in his statuendum sit, tua fraternitas requisivit. Nos autem consultationi tuæ taliter respondemus, possessorio quidem judicio, quod de recuperanda seu adipiscenda possessione proponitur antequam renuntiatum sit aut conclusum in proprietatis judicio primitus instituto, primitus agi potest ab eo qui rem cœperit vendicare, cum legali sit provisione statutum, eum qui fundum vendicavit ab eo cum quo interdicto unde vi potuit experiri, pendente judicio interdictum posse nihilominus intentari, aliis possessoris judiciis suo robore duraturis, quæ vindicationem dominij sui natura præcedunt. Si vero renuntiatum fuerit seu conclusum ut jam possit proprietatis causa diffinitivæ sententiae calculo terminari, ne lites litibus inculcentur, & via possit fraudibus aperiri, causa non decisâ possessorio non erit utendum, nisi judex qui de causa cognoscit, hoc ipsum ex

justa causa viderit expedire, puta cum ex perspicuis indiciis facile arguitur iniquitas invalidoris, & spoliato casus seu malitia probandi dominium substraxerit facultatem. His igitur & aliis causis inspectis quæ continent æquitatem, aut justè moverint animum judicantis, postquam etiam conclusum fuerit, posse agi possessorio judicio non negamus. Datum Laterani V. Kal. Iunij.

Capitulo Sipontino.

I N literis bona memoriae Alexandri Papæ prædecessoris nostri perspeximus contineri quod olim Garganicæ Canonici Archiepiscopi Sipontini ad dignitatem & auctoritatem Ad- postinæ. Ecclesiæ Sipontinæ & Garganicæ Ecclesiæ Archiepiscopo scriberetur, ipse, Garganica Ecclesia de privilegio subtrahita, scripserat Archiepiscopo tantum Ecclesiæ Sipontinæ. Insuper ad suggestionem vestram in privilegio ipso quædam subtrahiri fecerat, & quædam apponi, quæ prædecessorum ejus privilegia minimè continebant. Præterea postulabant ab eo ut cum Sipontina & Garganica Ecclesia duæ sedes archiepiscopales existerent, in cœna Domini chrisma confici faceret in utraque, ac ex his qui præsicerentur Ecclesiæ Vestanensi pastores, unum in Sipontina, & alium in Garganica præciperet consecrari. Cumque idem prædecessor noster tam Sipontinis Canonicis, qui tunc erant, quām Garganicis mandavisset ut cum privilegiis prædecessorum ipsius, & præserit felicis recordationis Eugenij Papæ, cui Garganici multum videbantur inniti, ejus se conspectui præsentarent, utraque partium suos propter hoc ad eum nuntios destinavit. Eis ergo in ipsius præsencia constitutis, felicis recordationis Benedicti, Paschalis, & Eugenij privilegia diligenter inspexit, ex quorum tenore manifeste cognovit Ecclesiam Sipontinam tantummodo sedem archiepiscopalem existere, cum eosdem prædecessores nostros non nisi Archiepiscopum Ecclesiæ Sipontinæ in eisdem privilegiis nominasse constaret. Privilegium vero ejusdem Eugenij Papæ abrasum & corruptum in quadam sui parte liquidò deprehendit, quia cum in titulo ejusdem privilegij fuisset tantummodo positum Archiepiscopo Ecclesiæ Sipontina, ultima syllaba dicti ipsius abrasi fuerat cum præcedente vocali, duabus præcedentibus syllabis dicti ejusdem remanentibus